

NO. SOALAN: 80

**PEMBERITAHUAN PERTANYAAN BAGI JAWAB LISAN
DEWAN RAKYAT**

PERTANYAAN : LISAN

DARIPADA : TUAN NGA KOR MING

TARIKH : 25 JULAI 2017

RUJUKAN : 9956

SOALAN:

Tuan Nga Kor Ming [Taiping] minta **MENTERI DALAM NEGERI** menyatakan berapakah jumlah bilangan pendatang tanpa izin yang berada dalam negara kita dan apakah langkah-langkah segera yang akan diambil oleh Kerajaan untuk mengatasi masalah ini yang telah membawa impak besar kepada masyarakat sosial negara kita.

SULIT

JAWAPAN:

Tuan Yang di-Pertua,

Untuk makluman Ahli Yang Berhormat, jumlah Pendatang Asing Tanpa Izin (PATI) yang berada dalam negara adalah sukar untuk diketahui. Semua pendatang yang masuk melalui pintu masuk yang diwartakan adalah pendatang asing yang sah dan memenuhi syarat-syarat imigresen yang ditetapkan. Tindakan penguatkuasaan berterusan oleh Jabatan Imigresen Malaysia (JIM) melalui slogan 'Hari-Hari Operasi (HHO)' ke atas premis-premis kediaman, kedai, restoran, tapak pembinaan dan lain-lain telah dan sedang dilaksanakan bagi memastikan PATI diambil tindakan undang-undang sewajarnya. Tangkapan PATI pada tahun 2015 mencatatkan sejumlah 59,734 orang dan pada tahun 2016 adalah seramai 49,496 orang. Bagi tahun 2017 iaitu sehingga 30 Jun 2017, seramai 23,072 orang PATI telah ditangkap.

Manakala, jumlah PATI yang diusir pada tahun 2015 adalah seramai 83,920 orang dan 73,553 orang pada tahun 2016. Bagi tahun 2017 iaitu sehingga 30 Jun, seramai 27,622 orang PATI telah diusir.

Untuk makluman Yang Berhormat dan Dewan yang Mulia ini juga, Kerajaan telah melaksanakan Program PATI Serah Diri dan Pulang Secara Sukarela (Program 3+1) sejak tahun 2014 bagi menggalakkan PATI pulang ke negara asal secara sukarela. Bagi tahun 2015 seramai 170,791 orang PATI telah pulang ke negara asal melalui Program Serah

SULIT

SULIT

Diri dan Pulang Secara Sukarela (Program 3+1) dan seramai 180,228 orang PATI pada tahun 2016. Sehingga 30 Jun 2017, seramai 104,277 orang PATI telah pulang ke negara asal melalui Program Serah Diri dan Pulang Secara Sukarela (Program 3+1).